



Ն.Ս.Օ.Տ.Տ. ԳԱՐԵԳԻՆ Բ ԱՄԵՆԱՅՆ ՆԱՅՈՑ ԿԱԹՈՂԻԿՈՍԻ ՊԱՏԳԱՄԸ ՍՈՒՐԲ ՆԱՐՈՒԹՅԱՆ ՏՈՆԻ ԱՌԻԹՈՎ

«Փա՛րք Զրիստոսի ամենագոր Յարութեան»

Միրելի ժողովուրդ հայոց ի սփյուռս աշխարհի.

Տոն է այսօր Նարության:

Աստվածորդու թափուր գերեզմանից Արարչական Միրո հաղթության լույսով աստվածային փառքն է ճառագում՝ մեր շուրթերից դեպի երկինք բարձրացնելով փառաբանության աղոթքը հոգերուիս. «Օրհնեսցուք զՏեր, զի փառօք է փառաւորեալ» (Ելք ԺԵ 1):

Մեր հայացքի առջև Տիրոջ խաչելությունից շփոթահար ու սարսափած առաքյալներն են, վիճափոր գերեզմանը Փրկչի, երկյուղած հոգիներով յուղաբեր կանայք, որ լուսազգեստ հրեշտակներից Ավետիսն են լսում. «Զի՛ խնդրէք զկենդանին ընդ մեռեալս, չէ աստ, այլ յարեալ» (Ղուկ. ԻԴ 5-6):

Ամենայն Նայոց Միածնաւէջ Մայր Աթոռից անհուն բերկրանքով «յարեալ Զրիստոս» մեծասքանչ Ավետիսն ենք հղում և Նայրապետական մեր ջերմ ողջույնը բերում Առաքելական մեր Եկեղեցու նվիրապետության Աթոռների շնորհագարդ գահակալներին՝ Մեծի Տանն Կիլիկիո Ն.Ս.Օ.Տ.Տ. Արամ Ա Կաթողիկոսին, Երուսաղեմի Նայոց Ամենապարիվ Պապրիարք Տ. Թորգոմ արքեպիսկոպոս Մանուկյանին, Կոստանդնուպոլսո Նայոց Ամենապարիվ Պապրիարք Տ. Մեսրոպ արքեպիսկոպոս Մուրաֆյանին, ուխտապահ ու նվիրյալ ողջ հոգևոր դասին, հավաքավոր համայն մեր ժողո-

վրդին աշխարհի բոլոր կողմերում և Նայոց պետության ավագանուն՝ հանձինս Նայասրանի Նանրապետության նախագահ Ռոբերտ Քոչարյանի, Ազգային Ժողովի նախագահ Արմեն Խաչատրյանի, վարչապետ Արամ Սարգսյանի:

Սիրելի բարեպաշտ հայորդիք.

Վերստին Տերունական հրավերք է խնդության, կանչված ենք մասնակից լինելու մահվանից դեպի կյանք, կորստից դեպի փրկություն փանող աստվածային անհաս խորին խորհրդին, որ մեզ՝ ամենքիս ըմբռնելի է որպես Նարություն Մարդեղացյալ Աստվածորդու: Փրկագործության աստվածային առաքելության թագադրումն է մեր Տիրոջ՝ Նիսու Քրիստոսի Նարությունը, քանզի Աստված անապական ու անբավ իր սիրով ժամանակի մեջ մեզնից մեկը դարձավ և հանձն առավ խաչի ճանապարհը՝ անցնելով մահվանից դեպի կյանք, որպեսզի մեզ առաջնորդի կորստից դեպի փրկություն: «Ես եկի, զի կեանս ունիցին, և առաւել եւս ունիցին» (Նովհ. Ժ 10):

Նարյալ Քրիստոս՝ խաչի ճանապարհը պսակելով կյանքի հաղթությամբ:

Նարյալ Քրիստոս՝ ընդմիշտ խորտակելով կապանքները դժոխքի ու մահվան:

Նարյալ Քրիստոս՝ և «տիեզերք ամենայն նորափետուր զարդարեցան»:

Փա՛նք Քրիստոսի ամենագոր Նարությանը, որ հրաշակերպող իր խորհրդով 2000 տարի նորոգում է կյանքը Փրկչին հուսացյալ ժողովուրդների:

Փա՛նք Քրիստոսի ամենագոր Նարությանը, որի հավաքքի վեմին հաղթականորեն բարձրացավ Տիրոջ Տիեզերական Եկեղեցին: Նորացավ աշխարհը՝ Նարության հույսին խարսխված:

Ազատության, արդարության քրիստոնեական ըմբռնումից, քրիստոնեական բարոյականի կենդանարար ակունքներից բխեցին համակեցության արդի քաղաքակրթության սկզբունքները՝ տարբեր տեսությունների մեջ, պատմական անցուդարձերում երկու հազարամյակ հղկվելով որպես մարդու և ժողովուրդների իրավունքների չափանիշներ: Քրիստոնեական վսեմ արժեքներով ծնունդ առան մարդկային մտքի, հոգու ու բազկի բյուր արարումներ՝ կենսավորելով ամենահաղթ սիրո Ավետարանական անանց ճշմարտությունը որպես պայման ու երաշխիք խաղաղության և հաշտության, կյանքի անընդմեջ զարգացման ու առաջընթացի:

Արդարեւ, որքան մխիթարական է «ճանաչել զՆաւ և զգօրութիւն Յարութեան Նորա», որ հաղթահարելով ժամանակ ու տարածություն, աստվածային Իր սիրով փշրում է մեղքի կարծրությունը մարդկային հոգիներում և պարզևում է շնորհը՝ ճշմարտությունը ճանաչելու, և ազատությունը՝ ընտրելու Բարին ու դեպի Աստված փանող կենդանարար ուղին:

Փա՛նք Քրիստոսի ամենագոր Նարության:

Տիրոջ առաքյալների քարոզության պատմական օրերից ընտրվեցինք որպես Աստծո «նոր ժողովուրդ» և նախախնամորեն շնորհին արժանացանք ճանաչելու Աստծո Սերը մեր հանդեպ ու Նարության հաղթանակող գորությունը մեր կյանքում:



ՈՏՆԼՎԱԿ



ՎԵՆԱՓԱՌ ՆԱՅՐԱՊԵՏԸ ԶԱՏԿԱԿԱՆ ԲԱՐՈՋ ԽՈՍԵԼԻՍ

Նարության լուսեղեն խորհրդի դրոշմով ստացանք մեր ինքնությունը, Ավետարանով իմաստավորեցինք մեր գոյությունը, հավատացինք կյանքին, արդարին, գեղեցկին ու սպեղծարար աշխարանքին: Նարության հավատով վերագրել ենք դարավոր մեր երազը՝ ազգային մեր պետականությունը, և թեպետ փազնապներով ու համընդհանուր անվստահությամբ է լեցուն ներկան, Նարության հույսով ենք նայում գալիքին: Սա է մեր իրականությունը:

«Մի՛ երկնչիր, հօփ փոքրիկ»՝ ժողովուրդ հայոց: Մեկ անգամ չէ, որ անցել ենք խաչելության ճանապարհը ու չափել մահվան գուրի խորությունը: Եվ ամեն անգամ մեր հոգու հույսի կայծը կրակ է դարձել ու բոցավառվել՝ հառնելու մեր կամքը, հավերժի մեր ոգին: Մեր ժողովրդի հարության վկան է այս հողը, որին կանգնած ենք. վկան են ջրերը Եփրատի, շիկացած ավազը Տեր Զորի, որ անցնող դարասկզբին լեցուն էին հազարավոր հայերի անթաղ մարմիններով: Վկան են մեր փարագիր նախնիների ապրող սերունդները աշխարհասփյուռ: Նայ ժողովուրդը եղեռն է վերապրել: Սա նոյնպես մեր իրականությունն է:

«Ո՛ր է մահ, յաղթութիւն քո» մահն արհամարհող հարցադրումով, կյանքի, հարության նույն հավատով և ինքնարթնության բոցավառ ոգով համախումբ՝ հայ ժողովուրդը ազատության իր իրավունքն է հաստատել Նայրենիքում և պաշտպանել արդարությունը Արցախում: Սա ն՛ս իրողություն է, արդի մեր իրականության էական ու նշանակալի, մեծարժեք այն մասը, որի փառքը երբեք չի կարող խամրել: Սակայն, ո՛վ զարմանք, մարդկային կյանքի ինչպիսի՛ չարախնդություն՝ դժվարությունների, զրկանքների ու կորուստների փասնամյա ճանապարհն անցած հայրենաբնակ հայության նույն սերունդն այսօր լքում է Նայրենիքը: Նանուն Նայաստանի ու Արցախի ամեն զոհողություն ստանձնած սփյուռքահայր փարակույսներ ու վարանումներ է ապրում: Անհանդուրժողությունն ու անհաշտությունը, հեռանկարի անորոշությունը անպարտ ու մահաշունչ անտարբերությամբ և հուսալքությամբ են համակում ազգային-հասարակական մեր կյանքը, իսկ աճող արտագաղթը Նայրենիքից դառնում է առօրեական ու սովորական: Այո, հասկանալի են բազմաթիվ արդարացումները, սակայն ո՛չ ընդունելի, ո՛չ արդարացի, քանզի սա մեր իրականությունն է, և փախուստով չէ, որ պիտի շարկվի:

Սիրելի հավատավոր ժողովուրդ.

Նոր դարաշրջան է բացվում աշխարհի վրա՝ հասարակական կյանքի նորացող ընթացքով, ժողովուրդների ու պետությունների հարաբերությունների նոր պահանջներով: Ազգային գորեղ պետականությամբ միայն կարող ենք լիարժեք մասնակցություն ունենալ ժողովուրդների բազմակողմ ու հարաճուն համագործակցությանը: Ուրեմն, ո՛վ, եթե ոչ՝ մե՛նք, հոգևորական ու աշխարհական բոլոր դասերով, ե՛րբ, եթե

ոչ՝ այսօր կոչված ենք գորացնելու ազապ ու անկախ մեր Նայրենիքը, միաբանվելու նրա շուրջ և համագգային միությանը կերպելու հայ կյանքը աշխարհասփյուռ:

Նայրապետական Մեր խոսքն ենք ուղղում որպես պարզամ ու կոչ հայրենաբնակ մեր սիրեցյալ գավակաց՝ չերկմարել ազապությունն ընտրելու մեջ, բայց նաև՝ ազապությունը անկարգությանց պարրվակ չդարձնել: Նախանձախնդրորեն պահպանել գործելու արի կամքը, լավատեսության ոգին, մեր ժողովրդին հապուկ անընկճելի սպեղծարար ոգին, միմյանց ապավինելու վստահությունը, որպեսզի Նայրենիքը մեր դառնա կենդանարար արյուն մղող, քրոփող հուժկու սիրտը հայության կյանքի:

Նայրապետական հորդոր ենք հղում Նայ Եկեղեցու նվիրապետության Աթոռների գահակալներին, զինվորյալ ողջ հոգևոր դասին և սփյուռքի մեր հայրենասեր գավակներին, որ հավաքավոր գործերով սապար լինեն Նայրենիքին, շարունակեն կիսել հայրենաբնակ իրենց բույրերի ու եղբայրների հոգսաշար կյանքի դժվարությունները՝ իրենց արդար վաստակը շաղախելով նրանց քրտինքին ու մաքառմանը, հարազապ սրտի ջերմությունը փոխանցելով նրանց բեկյալ հոգիներին:

Սիրելիներ. մեկտեղենք մեր ջանքերը, նվիրումն ու սերը, որպեսզի Նարությանը արշալույսվի յուրաքանչյուր օրը ազգային մեր կյանքի և մեր Նայրենիքի:

Նայրենիքին պարտք ենք ամենքս, մշտապես: Նայրենիքը միշտ իրավացի է՝ սփիզ և ինքնություն պարզևող իր գորությանը, իր գավակներին միավորող խորհրդով: Նայրենիքի առջև զինաթափ ենք բոլորս:

Արդարև, ամենքս պարտք ունենք մեր պարմության ու մեր գալիքի առջև, ինքնաբերական մեր՝ մեր ապրած դժվարին, բայց հույսով ու հավաքով լի քարիների առջև, այս եղբուն մեզ համար շահած ու պահած մեր սուրբ նահապականների ու նախնյաց առջև, այս հողը մեզ շնորհած Բարձրյալն Աստծո առջև: Թերահավապությունը, սիրելիներ, մենք վաղուց մերժել ենք մեզանից: Արդ, չդրժենք սրբազան մեր ուխտը Արարապի ու Սուրբ Էջմիածնի հետ: Քաջակորով ու պարաստական սրանձնենք մեր պարասխանապվությունը և ծառայության մեր բաժինը՝ հավաքարիմ մեր Փրկչին, որ հոժարական երկնից երկիր խոնարհվեց ոչ «ծառայություն ընդունելու, այլ ծառայելու և իր անձը քալու որպես փրկություն աշխարհի» (Մարթ. Ի 28): Մեծահրաշ այս քոնին առաքյալների օրինակով, որ Նարությանը գոյեպնդված՝ հին հանդերձի պես թթափեցին հուսահապությունը և դարձան անվհապ ու անվեհեր քարոզիչներ, նորոգենք հավաքը մեր հոգիներում՝ իբրև Աստծո հավաքարիմ «նոր ժողովուրդ», որպեսզի սուրբ սրտով և անկեղծավոր հավաքով քոնախմբենք 1700-ամյա փառաշուք քարեդարձը առաքելահասարապ ու առաքելագործ Նայ Եկեղեցու:

Սիրելի հայորդիք ի սփյուռս աշխարհի.

Եկեք ուրքի կանգնենք այս պահին բոլորս, որ ներկա ենք այսպեղ՝ սրբազան այս Տաճարում, բոլորս, որ աստվածային անմահ Պարարագի արարողությանը մասնա-

կից ու հաղորդ ենք հեռասփռումով, և մեր հոգու հայացքը ուղղած երկինք՝ միասնաբար աղոթք բարձրացնենք առ Աստված՝ ասելով. Տե՛ր, Նարության սքանչելագործ խորհրդով գորացրո՛ւ հայրենյաց սիրո և ազգային միաբանության մեր ուխտը, որպեսզի չվարանենք միմյանց համար մխիթարություն լինել և գտնենք իրար՝ առանց փնտրելու: Քո ողորմության ներքո անվրդով ու խաղաղ պահիր Նայրենիքը մեր, Եկեղեցին ու ժողովուրդը հայոց: Պարգևի՛ր մեզ, Տե՛ր, ճշմարտության Քո Նոգին շնորհագարդող՝ մեր գործերով Բարին ընտրելու, քանզի այնպեղ ես Քո օրհնությամբ, առաքաբաշխ Քո պարգևներով, Քո Սիրով:

Ընդունի՛ր, ո՛վ Տե՛ր, հավաքարմության նորոգ ուխտը ազգիս հայոց, որ 2000 տարի Նարուցյալ Փրկչիդ ապավինած՝ ապրել է «Եթե Աստուած ի մեր կոյս է, ո՛վ իցե մեր հակառակ» (Նոոմ. Ը 31) վստահությամբ: Անսայթաք պահիր մեր ընթացքը «սիրեցէք զմիմեանս» աստվածային Քո պարվիրանի շավիղներում, առաջնորդի՛ր հայոց հոսիդ «փոքր ածուն» արարմության հովիտներից առ արահեպները խաղաղության, երջանկության և սիրո:

Արդ, սիրելիներ. հավաքանք, գորակցենք ու սիրենք միմյանց, քանզի «Սէր ոչ երբէք անկանի»:

«Շնորհք, սէր և խաղաղութիւն յարուցեալ Տեառն մերոյ Յիսուսի Քրիստոսի ընդ ձեզ ամենեսեան. ամէն»:

«Քրիստոս յարեալ ի մեռելոց: Փա՛նք Քրիստոսի ամենագօր Յարութեան»: